

TÖR EO AN RI EKAJET RO

Köttöpar ko an katak in:

- Kwaļok bwe e nana men ko Israel ear kōmmani.
- Kwaļok bwe Anij ej aikuj ekajet ri jerōwiwi.
- Kwaļok bwe Anij e jab oktak.
- Kwaļok bwe Anij ej tūriamokake armej ñe rej ukeļok im kūr ñan E.

Meļeļe ko reļap ilo katak in:

- Jen lo bwe eļap an Anij kar jouj ñan kōj.
- Jen lo bwe jen jab reel ilo nana ko an ro rej ipeļaaakōd.
- Jen lo bwe Anij ej dike im kajeik jerōwiwi.
- Jen lo bwe e aorōk bwe jen ukeļok jān ad nana im tōmak Anij.

Ke eņōj an Adam im Iv jerōwiwi, Anij ear kwaļok juon karōk ñan lōmoņoren armej.



Jenesis 3:15 Im Inaaj likūt kōjdat ikōtaņ im kōrā eo, im ikōtan ineōņ im ineen; enaaj kōkkure bōraņ, a kwōnaaj kōkkure jimwin neen.

Jeova Anij ear kwaļok ejja plan in wōt ñan Ebream. Jenesis 12:3 ..*im kōn kwe nukwin otemjej i laļ renaaj jeraamman.* Je jeļā bwe kallimur in kōnono kake ej Gospel kōnke Galetia 3:8 ej ba, *Im Jeje eo, ke ear lo mokta bwe Anij enaaj kowānōk ro ri aelōñ kōn tōmak, ear kwaļok mokta gospel ñan Ebream im ba, “Ilo kwe ri aelōñ otemjej renaaj mōņōņō.”*

Anij ear kōņaan bwe aelōñ in Israel en An ri kwaļok kōn karōk eo An ñan lōmoņoren armej. Ear kōņaan bwe ren āinjuon jān aelōñ ko jet.



Duteronomi 7:6 Bwe kwe ri aelōñ re kwōjarjar ñan Jeova aņ Anij; Jeova aņ Anij ear kāālōt eok bwe kwōn armej re aorōk ñan E wōt, jān ri aelōñ ko otemjej rej ioon mejān laļ.

Aolep laļ ko jet ewor aer kiiñ. Bōtab kiiñ eo wōt ñan Israel ear Jeova Anij. Moses ear ri tōl eo mokta. Ke ear mej innām Joshua ear bōk jikin. Bōtab eļak kar Joshua mej innām ro nejin Israel raar kōmman ta?

1. Israel ear joļok Jeova Anij.



Ekajet 2:7, 10-12 Im armej ro raar jeral ñan Jeova iumwin raan ko otemjej an Joshua, im raan ko otemjej an rūtto ro etto aer mour jān Joshua, ro raar lo aolepen jeral eo eļap an Jeova, eo Ear kōmmane ñan Israel. [10] Barāinwōt eņōj kokweilokļok aolepen epepen eo ñan ippān ro jimmaer; im bar juon epepen ear waļok ālikeir, ro raar jaje Jeova, ak jeral eo Ear kōmmane ñan Israel. [11] Im ro nejin Israel raar kōmman men ko re nana iņaan mejān Jeova, im raar jeral ñan Beal ko; [12] Im raar iloļ jān Jeova,

Anij an ro jimmaer, Eo ear kadiwōjtok er jān ānen Ijpt, im raar loor anij ro jet, iaan anij ro an ro ri aelōñ ko raar pād itureir, im raar kabuñ ñan er; im raar kaillu Jeova.

Unin an Baibōl kajerbal āt in Āne in Kallimur ilo an kōnono kōn Kenan ej kōnke Anij ear kallimur kake ānin ñan Israel. Ke Joshua ear mour wōt, Israel ear anjo ioon aolep jar in tariṅae ko ilo Kenan. Anij ear jiroñ er bwe ren kadiwōjlok aolep armej ro jān āne eo. Armej rein ilo Kenan raar jumae im kajekdoṅ Anij iumwin ābukwi year. Raar kabuñ ñan ekjab im kōmman elōñ men ko rettoon.

*** Anij e kwōjarjar im wānōk. Ej ba bwe ro rej jerōwiwi rej aikuju in mej.**

Ke Anij ear kallimur ñan Ebrean kōn ānin, ear kōnono kōn iien kadiwōjlok ro ri Kenan.




Jenesis 15:16 A ilo epepen kein ka emān renaaj jepḷaak; bwe an ri Amor jerōwiwi e jañin obrak.

Anij ear kōṅaan kajerbal ri Ju ro ñan ekajeti jerōwiwi ko an ro ri pekan me raar jokwe ilo Āne in Kallimur. Bōtab ri Ju ro raar jab kadiwōjlok er. Ejab to im raar jino kabuñ ñan ekjab ko aer.

- Ro ri Israel raar jab tōmak im pokake Jeova.
- Ro ri Israel raar kōmman ekjab im kabuñ ñan er.
- Anij ear kajeik Israel kōn An likūt bwe jet iaan ri Kenan ren pād wōt ilo āneo.
- Setan ear moṅe armej in Israel. Ke raar kabuñ ñan ekjab ko, raar loṅmak bwe raar kabuñ ñan mool in anij me re maroñ jipañ er.

Meñe Anij ear kwaḷok An jouj eḷap ñan er, raar joḷok E. Meñe Ear ubaak ḷok im kako ro ri Kenan jān Israel im leḷok ñan er Āne in Kallimur, raar iloḷok jān E im kabuñ ñan ekjab. Jen jab loṅmak bwe kōj emman jān er. Meñe Anij e jouj ñan kōj, je kōṅaan jebwābwe wōt. Jej aikuje juon ri Loṅmoṅ.



2. Anij ear illu ippān ro ri Israel im kajeik er.



Ekajet 2:14,15 Im illu an Jeova ear bwil ṅae Israel, im Ear ketak er ṅa ilo peen ro ri rakim, ro raar rakimi er, im Ear wiakake er ṅa ilo peen ro ri kōjdate er itureir, innām re ban bar jutak imaan ro ri kōjdate er. Ijo ko otemjej raar diwōjlok, peen Jeova ear jumae er kōn nana, āinwōt Jeova ear ba, im āinwōt Jeova ear kallimur ñan er; innām raar kanooj eñtaan.

Anij ear likūt bwe aelōñ ko iturin Israel ren koḷkure Israel im kōmman bwe ro ri Israel ren karijer-aer.

- Anij ear ba ñan er kadede bwe men in enaaj waḷok eḷañne re jab pokake.
- Anij e jab oktak.
- Jekdoṅ emōj an mootḷok elōñ iiō, Anij ej kememej kallimur ko An, koba kallimur ko ñan kajeik ro re jab tōmak E.

*** Anij e tiljek, im E jab oktak.**

Anij ej dike jerowiwu. Jen jab lõmñak bwe Enaaj kajekdoon ad nana. Eoon in ej ba bwe Anij ear aer ri jumae. Aolep iien ke raar kajjioñ in bõk jeraamman, ear jab tõprak, bwe Peen Jeova ear ñae er. Ke raar kajjioñ in wanmaanlõk, raar back wõt. Bwe? Kõnke Anij ear jumae er.



Sam 7:11 Anij ej ekajet ri wãnõk, im Anij ej illu raan otemjej.

Ej illu raan otemjej ippãn wõn?



Jon 3:36 Eo ej lõke Nejin, mour indeeo an, im eo ejab lõke Nejin, e jãmin lo mour, a illu an Anij ej pãd ioon.

Anij ear kõmman armej ilo weppãn im ejjelõk notaan. Bõtab armej raar kãalõt jerowiwu. Raar ilõk jãn e.

Anij ear kwalõk An jouj elap ñan ri Ju ro. Ear lõmooren er jãn Ijpt. Ear kõmman elõñ men in bwilõñ ko. Bõtab raar jolõk E. Emõj ke am bwini men in jouj ko im Anij ear liwõj rainin?

- Kwaar ke mõñã rainin?
- Kwaar ke daak rainin? Kwaar ke menono rainin?
- Kwaar ke alwõj pija ak ikkure rainin?

Anij ear liwõj aolep jouj kein, meñe kwe juon ri jerowiwu.



Matu 5:45 ...bwe Ej kotak ał ioon ro renana im ioon ro remman, im kowõt ioon ro rewãnõk im ioon ro re jab wãnõk.

Im etke Ej kõmman men in? Etke E jouj ñan kõj meñe je nana? Bwe jen ukelõk.



Rom 2:4 Ak kwõj kajekdoon mweiuk in jouj eo An, kab An meanwõd im jab bõrokadu, im jaje bwe jouj an Anij ej tõllõk eok ñan ukelõk ke?

En jab bõd ad melele. Ad jañin lo jorrãan ilo mour ko ad ejab melelein bwe Anij ej mełõkloł jerowiwu ko ad. Ejab melelein bwe E ban kajeik kõj kõn ad jerowiwu. Ełãññe je jañin pãd ilo Kraist, innãm illu an Anij ej pãd iod kiiõ.

3. Anij ear lõmooren ro ri Israel e jepel jãn jabdewõt men raar kõmmane.

Ke armej in Israel raar ukelõk jãn aer nana, ke raar errã ippãn Anij kõn jerowiwu ko aer, raar kũr ñan E bwe En jipañ er. Anij ear kãalõt juon armej bwe en tõl er im lõmooren er jãn ri kõjdat ro aer. Rein, ri ekajet ro an Israel. Bõtab elõñ iien, ke emõj lõmooren er im raar aenõmman, raar bar nana im ilõk jãn Jeova. Innãm Jeova ear bar kajeik er.

Anij ej joñan wõt juon aolep iien. E jab oktak. Men ko Ej ba Enaaj kõmmani, Enaaj kõmmani.



Ekajet 2:16-18 Im Jeova ear kajutak ro ri ekajet, ro raar lõmoor er jãn peen ro ri rakimi

er. [17] Ijoke raar jab eḡoñ ro aer ri ekajet, bwe raar ilok im lōñ kake anij ro jet, im kabuñ ñan er; raar jeor mōkaj jān ial eo ro jīmmaer raar etal ie, im pokake kien ko an Jeova; a rein raar jab kōmman ainwōt. [18] Im ke Jeova ear kajutak ñan er ro ri ekajet, innām Jeova ear pād ippān ri ekajet eo, im lōmḡor er jān pein ro ri kōjdate er iumwin raan ko otemjej an ri ekajet eo; bwe Ear būromḡj kōn aer iññūr kōn ro raar kamakokoik er im kakūtōdōik er.

Wōn ear kajutak ri ekajet ro. Armej ke Anij? Anij wōt. Im etke Ear kajutak ri ekajet ro ñan lōmḡoren ri Ju ro? Kōnke Ear būromḡj kōn aer eñtaan. Bōtab etke raar eñtaan? Kōnke raar ilok jān Anij. Wōn ear kaeñtaan er? Ilo mool, Anij ear kajeik er kōn aer ilok jān E im kabuñ ñan ekjab.

Jen lōmḡnak kōn men in jidik. Meñe Anij ear lōmḡoren ro ri Israel jān Ijipt im oñake aikij ko aer, raar joḡok E. Ear leḡok ñan er juon āne ear obrak kōn milk im honey. Ear ekkar an Anij liaakḡok er. Ear ekkar bwe ren jorrān.

Anij e wānōk, im ekkar bwe En ekajet kōj kōn bōd ko ad. Anij ear kajutak elōñ ri ekajet ñan lōmḡoren ri Ju ro jān aer jorrān. Ear lōmḡoren er kōn jouj eo An wōt.

Kōj aolep ri jerḡwiwi. Ekkar bwe Anij en liaakḡok kōj ñan mej. Ekkar bwe jen jorrān ñan indeeo kōn nana ko ad. Emḡj ad ukōt an Anij jouj kōn nana. Emḡj ad jerḡwiwi ñae E million million katin. Jaar jab kappukot E bwe En lōmḡoren kōj.

Lōmḡor ej kōn jouj an Anij wōt.



Rom 3:24 Kōwānōk er, im ejjelok oñeān, ilo An jouj, kōn men in wiaik eo ej ilo Kraist Jisōs.




Rom 11:6 A eḡaññe kōn jouj, innām e jab jān jermal ko; eḡaññe jab ainwōt, jouj e jāmin jouj tokālik.



Rom 10:6,8 A wānōk eo jān tōmak ej kōnono ainwōt in, “Kwōn jab ba ilo būruōm, ‘Wōn enaaj wanlōñḡok ñan lañ?’ (ainwōt bwe en añinlaḡtok Kraist). A ta ej ba? “Naa eo ej epaake eok, ilo lōñim, im ilo būruōm” (eñin naan in tōmak, eo kōmij kwaḡoke).

Lōmḡor ej jermal wōt an Anij jān jinoin ñan jemḡoken. E tōḡḡokōd ñan mej indeeo. Bōtab Jisōs Kraist ilo An jouj ear wanlaḡtak ñan laḡ im eñtaan im mej kōn kōj. Eñin naan in tōmak. Eñin karōk eo an Anij ñan lōmḡoren armej.



1. Ewi Kallimur eo kōn lomoor im Anij ear lelok ñan Adam im Iv ke emoj aer jerowiwi?
2. Ewi wāween an kar Anij kwałok Gospel ñan Ebrean?
3. Ewi jeraamman in kōnono kake ñan Ebrean?
4. Anij ear kālōt aelōñ ta bwe ren ri kwałok kōn Gospel eo An?
5. Wōn eo ear kiiñ an aelōñ in Israel ilo jinoin?
6. Wōn ear kiiñ an lał ko jet?
7. Anij ear kōñaan bwe ri Ju ro ren kōmman ta ñan ro ri Kenan?
8. Etke?
9. Ri Ju raar jułok er aolep ke?
10. Ilo mool raar jołok wōn?
11. Ewi wāween an kar Anij kajeik ri Ju ro ilo book in Ekajet?
12. Ewi wāween an kar Anij lomooren er?
13. Ekkar ke bwe Anij ear lomooren ri Ju ro?
14. Etke?
15. Innām etke Anij ear lomooren er?
16. Men in en katakin kōj ta kōn wāween bōk lomoor?